

Isumaginninnermi siunnersortissanik ilinniartitsineq pillugu Namminersornerullutik Oqartussat nalunaarutaat

Isumaginninnermi siunnersortissanik ilinniartitsineq pillugu Inatsisartut peqqussutaanni nr. 10-mi 31. oktober 1996-imeersumi § 5, imm. 2, § 17, imm. 2 kiisalu ISI oqaaseqaateqartereerlugu, § 18, imm. 1, §§ 20, 21 aamma 25 tunngavigalugit makku aalajangersarneqarput:

Kapitali 1

Ilinniartitaanerup aqunneqarnera

§ 1. Isumaginninnermi Siunnersortinngorniat Ilinniartitaanni (ISI) ilinniartitaanermut siunnersuisoqatigiit arfineq-marlunnik ilaasortaartoq pilersinneqassaaq:

- 1) ilaasortaqaq ataaseq Ilinniartitaanermut Pisortaqaqfimmitt toqqarneqartoq,
- 2) ilaasortaqaq ataaseq Isumaginninnermut Suliffeqaqarnermullu Pisortaqaqfimmitt toqqarneqartoq,
- 3) ilaasortaqaq ataaseq Kalaallit Nunaanni Kommuneqaqarfiit Kattuffiannit (KANUKOKA-mit) toqqarneqartoq,
- 4) ilaasortaqaq ataaseq Atorfillit Kattuffiannit toqqarneqartoq,
- 5) ilinniartitaanermut rektori
- 6) ilaasortaqaq ataaseq ilinniartitaanermi ilinniartitsisunit taakkulu akornannit toqqarneqartoq, aamma
- 7) ilaasortaqaq ataaseq ilinniartitaanermi ilinniartunit taakkulu akornannit toqqarneqartoq.

Imm. 2. Siunnersuisoqatigiinni ilaasortanut tamanut sinniisussat toqqarneqassapput.

Imm. 3. Ilinniartitaanermi siunnersuisoqatigiit suliassaqaqarfinni immikkut ittuni ilisimasalinnik aalajangiinerni taaseqataasinnaanngitsunik ataatsimiinnerni peqataatitsisinnaapput.

Imm. 4. Rektori ilinniartitaanermi siunnersuisoqatigiit siulittaasoraat. Ilinniartitaanermi siunnersuisoqatigiit namminneq inissitsitissapput siulittaasup tullia qinerlugu, suleriaasissaminnut siunnersuut namminneq suliaralugu, taannalu Ilinniartitaanermut Pisortaqaqfimmitt akuerisassanngorlugu nassiunneqassaaq.

Imm. 5. ISI Ilinniartitaanermut Siunnersuisoqatigiinnut allattoqarfiuvoq.

§ 2. Ilinniartitaanermi Siunnersuisoqatigiit isumaginninnermi siunnersortinngorniat ilinniartitaaneranni siunnersuisupput, taamalu Ilinniartitaanermut Pisortaqaqfimmitt siunnersuuteqarsinnaallutik.

Kapitali 2

Ilinniartitaanerup imaa

Ilinniartitaanerup aaqqissuussaana

- 1) ilinniagassat ataasiakkaat, pikkorissarnerit, sulinermik sungiusarnerit sivilissusissaat, suliniutinik suliaqarnermi piffissaliussat, allattariarsorlunilu aamma suliniummik suliat tunniunneqartussat imarisaat

aamma pisassat pillugit najoqqutassat, taakkulu ilinniarnep ingerlanerani inissisimaneri,
 2) allattariarsorluni suliat tunniunneqartussat pillugit malittarisassat, tassunga atatillugu tunniussineq
 ataasiakkaarluni imaluunniit eqimattakkaarluni pisinnaassanersoq pisassanersorluunniit,
 3) ilinniarnep ingerlanerani misilitsissutissat taakkulu ilinniarnep ingerlanerani inissisimanerini
 allaaserinnineq,
 4) misilitsiteriaatsit atorneqartut allaaserineri, tassunga ilanngullugit eqimattat ataatsimut
 misilitsinnerini peqataasussat amerlassusissat,
 5) misilitsinnerit suut karakteriliiviusanersut takussutissiorneri, aammalu misilitsinneri suni naliliinerit
 "akuerineqarpoq"/"akuerineqanngilaq" atorneqassanersut,
 6) "akuerineqarpoq"/"akuerineqanngilaq" naliliinnermi atorneqaraangata suut pingaarutillit
 ilaatinneqassanersut erseqqissaatigalugit, tassunga ilanngullugit naliliinerit taakku atornissaannut
 pinngitsoorani naammassissat,
 7) misilitsinnissat pillugit malittarisassat,
 8) ilinniartussatut nalunaarsimasut amerlassusii malillugit ilinniaqatigiit avinneqartarnissaat
 ataatsimulluunniit katinneqartarnissaat pillugit malittarisassat,
 9) ilinniartitaanermi pilersaarutit,
 10) ilinniarnep ingerlanissaanut maleruagassat aamma
 11) ilinniartut soraarsinneqartarnerat pillugu najoqqutassatut malittarisassat.
Imm 2. Ilinniartitaanerup aaqqissuunna ilinniartitaanerup Pisortaqaarfimmut ilisimatitsissutitut
 nassiunneqassapput.

Ilinniartitaanermi malinnaaneq

§ 7. Ilinniartup ilinniartitaanermi aaqqissuussineq malillugu malinnaanissamut piumasaqaatitut
 aalajangersakkat malissavai.

Imm 2. Ilinniarnermi malinnaanermik naammattumik ingerlatsisoqanngippat ISI-p ilinniartoq ilinniarnermi
 peqataaginnarnissaanit tunuartissinnaavaa.

Imm 3. Ilinniartup qinnuteqarneratigut ilinniarfimmi pisortap ilinniartoq semesterimik uteqqiinnaanik
 akuersissuteqarsinnaavoq.

Kapitali 3

Sammisani ataasiakkaani ilinniakkat, sulinerimik sungiusarnerni suliniusiornernilu siunertat

Ilinniagassatut sammisassat

§ 8. Isumaginninnikkut suliaassanik suliaqarnermi aalajangersimasumik periaaseqarnermik
 ilisimasassartaanillu ilinniagassatut sammisani siunertaavoq, ilinniartut isumaginninnermi suliaassani
 aalajangersimasumik periaaseqarnermik ilisimasaqalernissaat paasinninnissaallu, taamaalillutik
 ataatsimut isiginnineq aallaavigalugu

1) inooqatigiinnermi atukkat ajornartorsiutinngorsimasut pissutaat, taakkulu inunni ataasiakkaani,
 ataatsimoortuni inuiaqatigiinnilu malunnaataat kingunerisaallu misissoqqissaarsinnaalissallugit, aamma
 2) isumaginninnermi sulinermi aalajangersimasumik periaaseq pinaveersaartitsinnermi ajornartorsiutinillu
 aaqqiinnermi piginnaassuseqarlualernissaq.

§ 9. Tarnip pissusilerinermik ilinniagassatut sammisani siunertaavoq

- 1) ilinniartut inuup ataatsip inuillu ataatsimoortut ineriartornissamut periarfissaat, kulturimut inuiaqatigiinnullu tunngasunut naleqqiullugit killilersuutit pissutsillu imminnut sunniivigeqatigiittarnerat pillugit ilisimasaqalernissaat aamma
- 2) ilinniartut tarnip pissusilerinermik isiginneriaaseqarnerat periaatsinillu aalajangersimasunik isumaginninnermi suliaassani aalajangersimasuni atuisinnaalernissaat.

§ 10. Inooqatigiilerinermi ilinniagassatut sammisani siunertaavoq

- 1) ilinniartut inuttut atukkat ajornartorsiutinngorsimasut pissusiinik, atugassarititaasunik pissutaasunillu inunnut ataasiakkaanut, ataatsimoortunut inuiaqatigiinnullu tunngatillugu ataqatigiinnerinik paasinnillutillu ilisimasaqalernissaat aamma
- 2) ilinniakkami inooqatigiilerinermi periaatsinik isumaginninnermi suliaassanik suliaqarnermi atuisinnaalernissaat.

§ 11. Aningaasaqarneq pillugu ilinniagassatut sammisani, tassunga ilaatillugit akileraartarnermi inatsisinut inuiaqatigiillu pissusiinik allaaserinninnermut tunngatillugu siunertaavoq ilinniartut

- 1) inuiaqatigiit kalaallit inuuniarnermi atugarisatigut aningaasarsiornikkullu ineriartornerannik aaqqissuussaanerannillu ilisimasaqalerlutillu paasisaqarnissaat,
- 2) innuttaasut inuuniarnerminni atugarisaat, tassunga ilanngullugit isertitaqartarnermut akileraartarnermullu tunngasut kiisalu suliffeqarnermut ineqarnermullu tunngasut,
- 3) pisortat akuleruttarnerisa aaqqissuussisarnerisalu sunniutaat aammalu inuit ataatsimoortut inuuniarnerminni atugarisaat inuuniarnikkullu ajornartorsiutaat aamma
- 4) pisortat ingerlatsiviini nuna tamaat isigalugu kommunikkaartumillu pilersaaruserneq tulleriiarisarnerlu tassani isumaginninnerup iluani suliaasaqarfii pingaartillugit.

§ 12. Isumaginninnermut tunngasunik inatsisit pillugit ilinniagassatut sammisani siunertaavoq, ilinniartut

- 1) isumaginninnikkut inatsisinik aammalu isumaginninnermut tunngasunik ingerlatsinermi tunngaviusunik paasinnillutillu ilisimasaqalernissaat aamma inatsisit nalinginnaasumik paasineqarnissaannut nassuiaatinik ilisimannillualernissaat aamma
- 2) isumaginninnermi suliaassani ajornartorsiutit aalajangersimasut nalinginnaasullu aaqqiiviginissaanni inatsisitigut malitassanik atuilluarsinnaalernissaat.

§ 13. Pisortat ingerlatsinerat pillugu ilisimasassanik ilinniagassatut sammisani siunertaavoq, ilinniartut pisortat aalajangiisarnerini malitassatut tunngaviusunik ilisimasaqalernissaat, tassunga ilaatillugit inatsisitigut najoqqutassat, pisortat sulianik ingerlatsisarnerat pillugu aalajangersakkat aammalu aqutsilluni ingerlatsinermik nakkutilliineq pillugu malittarisassat.

§ 14. Inuit ataasiakkaat, ilaqutariillu aammalu kingornussisarneq pillugit inatsiseqarnermik ilinniagassatut sammisassani siunertaavoq, ilinniartut inuit ataasiakkaat, ilaqutariit kingornussisarnerlu pillugit inatsiseqarnerup iluani inatsisitigut aalajangersakkat inuit ataasiakkaat pisinnaatitaaffeqarnerannik pissaaffeqarnerannillu aaqqiinernut tunngaviusunik paasisaqarlutillu ilisimasaqalernissaat, taakkununga ilanngullugit aningaasanik pigisanillu pisuussutit pillugit inatsiseqarnerup iluani tunngaviusumik aalajangersakkanik ilisimasaqalernissaat.

§ 15. Pinerluttulerinermut tunngasunik ilisimatusaatit aamma pinerluttulerinermik inatsisit pillugit ilinniagassatut sammisani siunertaavoq, ilinniartup

- 1) pinerluttarnerit amerliartorneri siaruariartornerilu isumaginninnikkullu nakkutilliinerup ilusilersugaanera, annertussusia allanngoriartorneralu paasisaqarfigalugillu ilisimasaqarfigilissagai aamma

2) inatsisitigut aalajangersakkat innuttaasut pinerluttulerinermik inatsisit eqqartuussisoqarnermi inatsiseqarnerup iluani pisinnaatitaaffinik pisussaaffinillu aaqqiissutaasartut paasisaqarfigalugillu ilisimaqarfigilissagai.

§ 16. Kultureqarneq kinaassuserlu pillugit ilinniagassatut sammisani siunertaavoq, ilinniartut oqaluttuarisaanermut, kultureqarnermut sumilu inunngorsimanermut tunngasut tamakkulu inooqatigiinnermi qanoq sunniuteqartartut paasisaqarfigalugillu ilisimasaqarfigilissagaat.

§ 17. Tarnip nappaataanik katsorsaaneq pillugu ilinniagassatut sammisani siunertaavoq, ilinniartut tarnikkut nappaatinik, tarnikkut nappaatit katsorsarneqartarnerannik inuuniarnermilu atukkat inuup tarnikkut nappaateqalissutigisartagaanik katsorsaariaatsit ilisimasaqarfigilissagaat, taamaalillutik isumaginninnermi siunnersortit tarnikkut nappaatilinnik isumaginninnikkut sullissinnermi ikiorsiinnermilu inissisimanerat paasisimasaqarfigilissagaat.

Sulinermik sungiusarneq

§ 18. Sulinermik sungiusarnerup siunertaraa, ilinniartut

- 1) isumaginninnikkut suliassanik isumaginninnermilu suliffeqarfinnik ilisimasaqarlualernissaat,
- 2) atuagarsornikkut ilisimalikkanik isumaginninnikkut suliani tassanissaaq sullitanik attaveqarnermi atuisinnaalernissaat,
- 3) inuuniarnikkut ajornartorsiutit pillugit ikiorsiinnermi aaqqiinnermilu isumaginninnikkut sullissinnermi periarfissanut killissanullu tunngatillugu naliliisarneq misilittagaqalernissarlutik,
- 4) inuuniarnermi ajornartorsiutinik suliaqarnermut atatillugu ilisimalikkanik periaatsinillu aalajangersimasunik toqqaallunilu atuisinnaanermik sungiusarneqassallutik, tassunga ilaatillugu isumaginninnikkut suliassanik suliaqarnermi nammineq pisinnaasatigut iluaqutissat pillugit naliliisarnissaaq,
- 5) sulinermik sungiusarfiup siunertaanik, qanoq aaqqiissuussaananerannik sulisullu akuleriiaarnerannik paasinnilluarnissaaq, aamma
- 6) isumaginninnikkut suliassanik suliaqarnermut atatillugu ileqqorissaarnissamik ilisimasaqarlualernissaaq.

Suliniummik allaaserinninneq suliat pillugit assigiinngitsunik ilinniagallit suleqatigalugit suliaqarneq

§ 19. Ilinniagassatut sammisani suliniummik allaaserinninnermi suliat pillugit assigiinngitsunik ilinniagallit suleqatigalugit suliaqarnermi siunertaavoq, ilinniartut

- 1) nammineerluni sulisinnaanermut sungiussinissaaq,
- 2) suleriaaseq ajornartorsiutinik suliaqarnermut atortoq tunngavigalugu inooqatigiinnermi inuuniarnikkut ajornartorsiutit aallaaviinik tamakkulu ersittumik pissusiinik assigiinngitsunik suliallit ataatsimut isiginnittaasiat atorlugu paasinnittaaseqalernissaaq, aamma
- 3) paasiniaaqqissaarneq tunngavigalugu pinaveersaartitsinnermut sammisuni ikiorsiissuteqarnissamullu sammisuni aaqqiissutissanik siunnersuuteqarsinnaanngornissaaq.

Kapitali 4

Ilinniartitaanermi misilitsinnerit

Ilinniartitaanermi misilitsinnerit siunertaat

§ 20. Ilinniartitaanermi misilitsinnerni ilinniartup pisinnaasai ilinniartitaanerup siunertaanut piimasaanullu naapertuunnersut aammalu qanoq nallersuussinnaatiginersut naliliiviginissaaq

siunertaavoq.

Misilitsinnerit ilinniarfimmi ilinniartitsisunit aamma ilinniarfiup avataaneersunik naliliiviusartut nassuiarneri

§ 21. Misilitsinnerit ilinniarfimmi ilinniartitsisunit imaluunniit ilinniarfiup avataaneersunik naliliivigineqartarput.

Imm. 2. Ilinniarfimmi ilinniartitsisunit misilitsinnerit tassaapput misilitsinnerit ISI-mi ilinniartitsisunit ikinnerpaamik marlunniit naliliivigineqartut.

Imm. 3. Ilinniarfimmi misilitsinnerit ilinniarfiup avataaneersunik naliliiviusut tassaapput misilitsinnerit ISI-mi ilinniartitsisunit ilinniartitsisunit aamma Ilinniartitaanermut Pisortaqarfimmit nalileeataasussatut toqqakkamit arlalinnilluunniit naliliivigineqartut.

Allattariarsorluni misilitsinnerit

§ 22. Allattariarsorluni ilinniarfimmi misilitsinnerit ilinniarfiup avataaneersunik naliliiviusunut ataatsimiititaliamit soraarummeerusiortussamik suliarineqassapput, tak. § 23.

Imm. 2. Ilinniarnerup naammassinerani ilinniartut misilitsinneri suliarisimasatik tigunissaanik piunasaqarsinnaapput.

§ 23. Ilinniartitsissutini allattarissanik misilitsiffiusussanut ilinniarfimmi pisortaq ataatsimiititalianik soraarummeerusiortussamik pilersitsissaaq. Ataatsimiititaliani soraarummeerusiortussani ilaasortaapput ilinniagassani ilinniartitsisut ilinniagassamillu ilisimasallit ikinnerpaamik marluk taakkulu sinniisussaat Ilinniartitaanermut Pisortaqarfimmit toqqarneqartut.

Imm. 2. Ataatsimiititaliani soraarummeerusiortussani ilaasortat ilinniagassamik ilisimasallit taakkulu sinniisussaat ukiut pingasukkaarlugit toqqarneqartassapput.

Imm. 3. Ilinniartitaanermut Pisortaqarfik ataatsimiititaliat soraarummeerusiortussat suliaasaat pillugit ersarinnerusunik aalajangersagaliorsinnaavoq.

Oqaluttarissanik misilitsinnerit

§ 24. Soraarummeersitsisuussapput ilinniartitsisut ilinniagassami ilinniartitsisuusimasut, taamaalilluni ilinniartitsisoq soraarummeersitsisuulluni. Soraarummeersitsineq sapinngisamik soraarummeersitsisup soraarummeertullu oqaloqatigiinnerattut ingerlanneqassaaq, tassani soraarummeernermi naliliisartoq peqataasinnaalluni. Ilinniartup ilinniakkamut atatillugu suliaqarsimaneranut takussutissat uppersaattut soraarummeernermi ilaatinneqarsinnaapput.

Imm. 2. Soraarummeernermi apequtit soraarummeertunut makitsinikkut tunniunneqassapput.

Soraarummeertup allattarissanik suliaa soraarummeerutaassappat, taanna soraarummeersitsineri tunngaviussaaq.

Imm. 3. Soraarummeernermi naliliisartoq soraarummeersitsisorlu kisimik karakteriliissapput.

Imm. 4. Soraarummeertoq soraarummeernissamut piareersarfeqartitaassappat, piareersarnerani nakkutilliisoqassaaq.

Imm. 5. Oqaluttarissanik soraarummeernerit kikkunnilluunniit najuuffigineqarsinnaapput.

Misilitsinnerit naliliinerillu

§ 25. Ilinniagassat kinguliini pineqartut allattariarsorluni misilitsinnermik ilinniarfiup avataaneersunit naliliisoqarluni naggaserneqassapput

- 1) inuit ataasiakkaat, ilaqutariit aamma kingornussisarneq pillugit inatsisit,
- 2) pisortat ingerlatsinerat pillugu ilisimasassat aamma
- 3) isumaginninneq pillugu inatsisit.

Imm. 2. Ilinniagassaq isumaginninnikkut suliassanik suliaqarnermi ilisimasassanut periaatsinullu aalajangersiamasunut tunngasoq allattariarsorluni aamma oqaluttariarsorlunilu ilinniartup avataaneersunik naliliisoqarluni misilitsinnernik naggaserneqassapput. Misilitsinnerit naligiimmik pingaartinneqarlutik oqimaalutarneqassapput.

Imm. 3. Ilinniagassat kinguliini taagorneqartut allattariarsorluni imaluunniit oqaluttariarsorluniluni ilinniartup avataaneersunik naliliisoqarluni misilitsinnernik naggaserneqassapput

- 1) tarnip pissusilerineq
- 2) inooqatigiilerineq
- 3) aningaasaqarneq.

Imm. 4. Allattariarsorluni naggataarutaasumik assigiinngitsunik ilinniagallit suleqatigalugit suliniut oqaluttariarsorluni avataaneersunik naliliisoqarluni misilitsinnermik naliliiffigineqassaaq, tassani ilinniartup ilaatigut nassuiassallugit allaatigisassamik toqqaaneq suleriaaseqarnerlu.

Imm. 5. Immikkoortuni 2-miit 4-mut misilitsinnerit taaneqartut, oqaluttariarsorneruppata, ilinniartut ataasiakkaat misilitsinnerattut imaluunniit ataatsimoorluni misilitsinnertut aqqissuunneqarsinnaapput, taamatut pinermi matumanissaaq ilinniartut ataasiakkaarlugit naliliivigineqartartussaammata.

§ 26. Ilinniartitaanerup immikkoortuisa aappaanni ilinniartut ataasiakkaarlugit isumaginninnikkut suliassani ilisimasassanut periaatsinullu tunngasunut aammalu isumaginninneq pillugu inatsisinut tunngasunut ISI-mi ilinniartitsisut naliliisoralugit misilitsissapput. Misilitsinneq allattariarsorluni misilitsinneruvoq.

Imm. 3. Ilinniartitaanerup immikkoortuisa pingajuannut ingerlaqqissagaanni misilitsinnermi angusisimasariaqarpoq.

§ 27. Ilinniagassatut sammisani misilitsiffiusussani 13 atorlugu karakteriliisarneq (13-skala) atorneqassaaq.

§ 28. Piffissap sulinermik sungiusarfusup naanerani ISI ilinniartup sungiusarnermini pissarsiaqarsimanera naliliinerit "akuerineqarpoq" aamma "akuerineqanngilaq" atorlugit naliliissaaq.

Imm. 2. Ilinniartup allaaserisai sungiusarfullu oqaaseqaataa tunngavigalugit naliliisoqassaaq.

Misilitseqqinneq

§ 29. Ilinniartuq ilinniagassatut sammisani tamani misilitseqqinnissamut nalunaarsinnaavoq, ilinniagassatut sammisani tamani karakteri 6 ataassimaguniuk.

Imm. 2. Ilinniartuq ilinniagassamut ataatsimut taamaallaat marloriarluni misilitseqqinnissamut nalunaarsinnaavoq.

Imm. 3. Ilinniartuq misilitseqqinnissamut nalunaaruni ilinniagassamut sammisami tullianik misilitsinnissamut siullermut peqataasinnaatitaavoq.

Imm. 4. Ilinniartuq ilinniagassatut sammisami ataatsimi ataasiaannarani misilitsissimaguni karakteri qaffasinneq atussaaq.

Imm. 5. Ilinniartitaanerumut Pisortaqarfik pissutsini immikkut ittuni imm. 2-imiit 3-mut aalajangersakkanit immikkut akuersissuteqarsinnaavoq.

§ 30. Nappaammik uppersaasikkamik imaluunniit allamik peqquteqavillutik misilitsinnerni ilinniartunik peqataasinnaangitsunik misilitsittoqarsinnaavoq. Misilitsinneq ingerlanneqassaaq kingusinnerpaamik misilitsinnermut tullermut atatillugu, aammattaaq takukkit § 6, imm. 1, nr. 7 malillugu malittarisassani aalajangersakkat.

§ 31. Ilinniartuq misilitsinnissamut takkutinngitsoorpat aammalu misilitsinnermut peqataaniarani nalunaaruteqarsimanngippat 00-mik karakteriliisoqassaaq.

Misilitsittoqarnerani pissusissarititaasumit allaasumik iliornerit

§ 32. Ilinniartitaanermi misilitsinnerit tamanna pillugu malittarisassat malillugit ingerlanneqarnissaat ilinniarfimmi pisortap akisussaaffigaa.

Imm. 2. Misilitsinnerit ingerlanneqarneranni pissusissarititaasumit allaasumik iliornerit erniinnaq Ilinniartitaanermut Pisortaqarfimmut nalunaarutigineqassapput.

§ 33. Ilinniarfimmi pisortap soraarummeertoq misilitsinnermit peersinnaavaa,

1) soraarummeertoq taamaaliortusnaanani allanit ikiorteqarsimappat, akuerisaanngitsunik iluaquteqarsimappat imaluunniit allap suliaani nammineq suliarinerarlugu saqqummiussisimappat, imaluunniit

2) soraarummeertup misilitsinnerup nalaani taamaaliortusnaanani allanit ikiuisimappat ikiuniarsimappalluunniit.

Imm. 2. Soraarummeertoq misilitsinnermit peersitaasimappat ilinniarfimmi pisortap pineqartup ilinniartitaanermi peersinneqarnissaa pillugu aalajangiisnaavoq.

Kapitali 5

Angusinissamut piumasarineqartut

§ 34. Soraarummeernermit angusinissamut piumasarineqartut

- 1) karakterit tamaasa katillugit agguaqatigiissitsinnermi karakteri minnerpaamik 6-iussasoq
- 2) ilinniagassatut sammisami isumaginninnikkut suliani ilisimasassat periaatsillu aalajangersimasut soraarummeerutiginerini minnerpaamik karakteri 6 anguneqarsimassasoq,
- 3) amerlanerpaamik karakterip ataatsip 6 ataassimassagaa, aammalu
- 4) sulinermit sungiusarnek ilinniagassallu allat soraarummeerutaanngitsut akuerineqarsimassasut.

Kapitali 6

Allattaaviit soraarummeernernullu uppersaasat

§ 35. Ilinniarfimmi pisortaq allattaavinnik ingerlatsisuuvoq, ilinniartullu tamarmik immikkut qupperneqartut. Allattaavinni paasissutissat ilinniartumut namminermit tunngasut, uppersaasatit, peqataannginnissamut akuerineqarnerit allallu nalunaarut malillugu immikkut akuersissutit, sulinermit sungiusarnerup naliliivigineri misilitsinnernilu karakterit allaqqassapput.

§ 36. Ilinniartut, soraarummeernermit angusisimasut § 34 malillugu allagartartaartinneqassapput. Allagartaq tamanut atuuttumik aamma piginnittuinnarmut tunngasunik oqaasertalerneqassaaq.

Imm. 2. Piginnittumut tunngasunik oqaasertaliussani paasissutissiissutigineqassaaq

- 1) ilinniartumut namminermit tunngasut aamma ulloq ukiorlu ilinniarnep naammassiffia,
- 2) sulinermit sungiusarnermi naliliineq "akuerineqarpoq" kiisalu sulinermit sungiusarfiup suunera, aamma

3) misilitsinnerni ataasiakkaani karakteriliussat.

Imm. 3. Oqaasertaliussani tamanut atuuttuni ilanngunneqassapput nalunaarummi § 3, imm. 1, § 5 aamma § 34.

Imm. 4. Soraarummeernermit uppersaasat rektorimit ilinniartup allattaavinni quppernera malillugu suliarineqassaaq. Uppersaasat ilinniarfimmil pisortamit atsiorneqassaaq.

Imm. 5. Ilinniartut ilinniartitaanermik naammassinninnatik qimatsisut qinnuteqarnikkut misilitsinnernut peqataaffigisimasanut, sulinermik sungiusarnerup akuerineqarneranut uppersaammik tunineqarsinnaapput kiisalu ilinniagassani paasinninneq tunngavigalugu karakteriliiffiusuni karakterimik tunineqarsinnaapput.

Kapitali 7

Atortuulersitsineq atorunnaarsitsinerlu pillugit aalajangersakkat

§ 37. Nalunaarut 7. decembari 2000 aallarnerfigalugu atortuulissaaq. Peqatigitillugu Isumaginninnermi siunnersortissanik ilinniartitsineq pillugu Namminersornerullutik Oqartussat nalunaarutaat nr. 13, 15. april 1991-imeersoq, Isumaginninnermi siunnersortissanik ilinniartitsinermit fagit pillugit Namminersornerullutik Oqartussat nalunaarutaat nr. 15, 15. april 1991-imeersoq kiisalu Isumaginninnermi siunnersortinngorniat ilinniartitaanerit pillugu Namminersornerullutik Oqartussat nalunaarutaat nr. 17, 20. august 1997-imeersoq atorunnaassaaq.

Namminersornerullutik Oqartussat, ulloq 7. december 2000

Lise Lennert

/

Karl Kristian Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut